



Gipuzkoan pertsona eta enpresa parte-hartzaileak sustatzeko programa.

Urtea :2017 | Ekonomia Sustapena

DESKRIBAPENA

Programa horren xedea da parte-hartzea eta balio sozial partekatua sustatzea enpresetan eta lurraldean, enpresa, gizarte eta lurralde eraldaketaren bidez, pertsonen, enpresen, gizartearen eta lurraldearen konpromisoa lerrokatzuz.

ENTITATE ONURADUNAK

- a) Gipuzkoan dauden enpresak eta elkarte enpresarialak.
- b) Gipuzkoan ordezkari gehien dituzten sindikatuak.
- c) Gipuzkoan dauden Zientzia, Teknologia eta Berrikuntzako Euskal Sareko erakundeak.
- d) Unibertsitatez kanpoko hezkuntza sistemako ikastetxeen sareko entitateak, Eusko Jaurlaritzako Hezkuntza, Unibertsitate eta Ikerketa Sailaren funts publikoen bidez finantzaturakoak eta entitate horien eta unibertsitateen interesak ordezkatzeko dituzten taldeak eta elkarteak. Entitateek Gipuzkoan eduki behar dute beren egoitza.
- e) Gipuzkoako erakunde eta/edo elkarte estrategikoak, hezkuntza izaera, izaera ekonomiko-soziala eta tokiko eta/edo eskualdeko izaera dutelarik, zona bateko edo jarduera ekonomiko bateko agente egokiak edo funtsezkoak biltzen dituztenak, baldin eta horiek ikuspegi integrala garatze aldera elkarlanean aritzeko interesa badute eta ikuspegi integral hori garapen pertsonal, ekonomiko eta sozialaren aldeko konpromisoan oinarritzen bada.

DIRU-LAGUNTZAREN XEDE DIREN JARDUERAK

Jarduera hauek lagunduko dira: I+G+b eta esperimentazio proiektuak, eta dinamika, esperientzia, baliabide eta tresna berezien bitartez bizitza osoko ikaskuntzaren alorrean esku hartzeko politika publikoak zabaldu eta orokortzeko proiektuak.

Erdigunean pertsona jartzen duten erakunde harreman mota berriak diseinatu eta garatzera bideratutako dinamikak, esperientziak, baliabideak eta tresna bereziak; giza- eta ingurumen-irizpideen erabaki eta prozesuetan txertatzea eta sartzea; eta lurralde protagonismoa lantzea prestakuntzako, gizarteko eta ekonomiako eragileek parte har dezaten, baldin eta jarduera hauen artean badira:

- Partaidetza bultzatzea (kudeaketa, emaitzak eta kapitala), antolakuntza modu berriak erabiliz, pertsona guztien erabaki ahalmena handitzeko enpresetan eta antolakuntzetan.
- Erakunde guztiaren adimen kolektiboaren garapenean oinarritutako erabaki mekanismoak ezartzea.



- Formula aurreratuetan esperimentatu eta esku hartzea, lantoki eraldatzaileak garatzeko.
- Pertsonentzako, enpresentzako eta lurraldearentzako funtsezkoak diren eskumenen garapena sustatzeko mekanismoak ezartzea, ikasketaren bidez aldeko testuinguruak sortuz, balio bereizgarria sortzea ahalbidetuz.
- Antolakundeetan kalitatezko enplegua eta lanpostuak sortzeko estrategiak sustatzea, eta etorkizuneko enplegua/lana eta enplegu iraunkorra aztertzea.
- Antolakundeetan pertsonen arteko elkarlana eta konpromisoa bultzatzen duten elementu ukiezinak indartzea.
- Gizarte eta lurralde beharrei, erronkei eta aukerei erantzuteko modu berriak bideragarriak izatea, tokian tokiko ekonomiaren abantailak eta pertsonen, enpresen eta lurraldearen ahalduntzearen aukerak optimizatuz.
- Enpresetako eragiketetan eta erabakitzeko prozesuetan, enpresako jende guztia -eta balio katea osatzen duten eragile guztiak, ingurua eta gizartea-, beren interes eta itxaropenekin, kontuan izateko konpromisoa eratzea.
- Erakunde, gizarte eta lurralde arloan esku hartzeko ereduak garatzea, zeinek gizarte, ekonomia eta ingurumen iraunkortasuna jasotzen eta garatzen duten.
- Sozialki ebaluatu, balioztatu eta zabaltzea partekatutako gizarte eta lurralde balioa lortzeko garatu diren prozesuak. Erdigunean pertsona jartzen duten erakunde harremanen mota berriak garatzea.

DIRUZ LAGUNDU DAITEZKEEN KOSTUAK

Diruz lagungarriak izango dira erakunde eskatzaileak aurkezten duen aurrekontu banakatu eta xehatuan jasotako kostuak, jardueraren garapenari zalantzarik gabe lotuta daudenean.

- Barruko langileen kostuak direnean:
 - I+G+bko eta esperimentazioko proiektuak direnean, hautatzeko gehieneko muga orduko 69,29 euro izango da.
 - Dinamika, esperientzia, baliabide eta tresna berezien bitartez egindako hedakuntza eta orokortze proiektuak direnean, barruko langile kostuek ezingo dute guztizko kostu hautagarriaren % 25 gaintitu, eta hautatzeko gehieneko muga orduko 35 euro izango da.
- Kanpoko langile kostuak direnean kostuak hautagarriak izango dira, 69,29 €/orduko gehienez.
- Kostu hautagarriak izango dira proiektuen sustatzaile ez diren entitateetako langileen bidaiei eta mantenuei dagozkienak bakarrik, eta bidaiak eta mantenua berez proiektuaren parte direnean.
- Kostu hautagarriak izango dira zuzenbide eta finantza aholkularitzako kostuak, eta diruz lagundutako proiektua gauzatzeko aditu-kostuak, baldin eta diruz lagundutako ekintzari dagozkionak badira eta hori ongi prestatu eta gauzatzeko ezinbestekoak badira.



DIRU-LAGUNTZEN ZENBATEKOA

Diru laguntzak kostu hautagarrien %100ekoak izango dira I+G+bko eta esperimentazioko proiektuetan, eta %75ekoak dinamika, esperientzia, baliabide eta tresna berezien bitartez egindako hedakuntza eta orokortze proiektuetan

EMATEKO PROZEURA

Lehiaketa bidezkoa, deialdi eta hautapen prozedura bakar baten bitartez.

BATERAGARRITASUNA ALA BATERAEZINTASUNA

Diru laguntza hauek ez dira bateragarriak beste edozein administrazio edo erakunde publiko nahiz pribatuk, izan estatalak, izan Europar Batasunekoak edo izan nazioartekoak, eman lezakeen helburu bereko subentzio, laguntza, diru sarrera edo baliabiderekina.

BETETZEKO EPEAK

- Eskaerak aurkezteko epea: **2017ko uztailaren 14an, goizeko 12:00etan amaituko da.**
- Jarduerak hasteko epea: **2017ko urtarrilaren 1etik aurrera**
- Proiektuen exekuzio data: **2018ko ekainaren 30a**
- Proiektuak justifikatzeko data: **2018ko uztailaren 30a**

ARAUDI APLIKAGARRIA

[Gipuzkoan pertsona eta enpresa parte-hartzaileak sustatzeko programa](#)

ESKAERA EGITEKO URRATSAK

- Informazioa eta dokumentuak

<https://www.gipuzkoa.eus/eu/web/ekonomia/programak-eta-laguntzak/partaidetza/partaidetza>

- Diru-laguntzak kudeatzeko aplikatiboa

<http://sustapena.gipuzkoa.eus/kudeaketa>

EDOZEIN ZALANTZA IZANEZ GERO, KONTSULTATU

JAKINTZA ETA ENPRESA JARDUERA SUSTAPENERAKO ZERBITZUA

- Kudeaketa administratiboa: 943.112227
- Kudeaketa teknikoa: 943.112217

sustapena.eraldaketa@gipuzkoa.eus



**Gipuzkoako
Foru Aldundia**

**Ekonomia Sustapeneko,
Landa Inguruneko eta
Lurralde Orekako Departamentua**